



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

**Luxemburgi, 1740**

CXXXII. Confirmatio quarumdam Rubricarum Statuti collegii Causidicorum  
Civitatis Ferrarien.

---

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

nel suddetto Motu proprio, come pure qual-  
fia altra difficultà riguardante il buon governo  
della Chiesa, Spedale, e Compagnia, devasi  
inviolabilmente attendere ed osservare quella  
intelligenza, spiegazione o provvedimento, che  
sarà data o stabilita dalla Congregazione segreta  
per bussola, e col maggiore numero de' voti,  
rimosso qualsivoglia riclamo o ricorso.

§. 2. Cum autem, sicut eadem expositio sub-  
jungebat, dicti Exponentes nova Statuta seu  
Capitula hujusmodi, quò firmitus subsistant, &  
serventur exactius, Apostolicæ confirmationis  
Nostræ patrociniò communiti summopere desi-  
derent; Nos specialem ipsi exponentibus gra-  
tiam facere volentes, eorumque singulares per-  
sonas a quibusvis excommunicationis, suspen-  
sionis, & interdicti, aliisque ecclesiasticis sen-  
tentis, censuris, & pœnis, a jure vel ab ho-  
mine quavis occasione vel causa latis, si qui-  
bus quomodolibet innodata existunt, ad effe-  
ctum præsentium duntaxat consequendum, ha-  
rum serie absolventes, & absolutas fore censen-  
tes, supplicationibus, eorum nomine Nobis  
super hoc humiliter porrectis, inclinati, om-  
nia & singula Statuta seu Capitula præin-  
serta auctoritate Apostolica tenore præsentium con-  
firmamus & approbamus, illisque inviolabilis  
Apostolicæ firmitatis robur adjicimus, ac quos-  
cumque juris & facti defectus, si qui desuper  
quomodolibet intervenerint, supplemus.

Supradicta  
omnia Statu-  
ta confirma-  
tur.

Clausula.

§. 3. Decernentes, ipsa Statuta seu Capitu-  
la, ac præsentis literas semper firma, valida &  
& efficacia existere & fore, suosque plenarios &  
integros effectus sortiri & obtinere; ac ab illis,  
ad quos spectat, & pro tempore quandocum-  
que spectabit, inviolabiliter & inconcussè ob-  
servari; illisque respective in omnibus & per  
omnia plenissime suffragari; sicque in præmis-  
sis per quoscumque Judices ordinarios & delega-  
tos, etiam Causarum Palatii Apostolici Audito-  
res, ac Sanctæ Romanæ Ecclesiæ Cardinales,  
etiam de Latere Legatos, & alios quoslibet  
quacumque præminencia & potestate fun-  
gentes & functuros, sublata eis & eorum cuilibet  
quavis aliter judicandi & interpretandi faculta-  
te & auctoritate, judicari & definiti debere;  
ac irritum & inane, si secus super his a quo-  
quam quavis auctoritate scienter vel ignoranter  
contigerit attentari.

§. 4. Non obstantibus Constitutionibus & Or-  
dinationibus Apostolicis, necnon Ecclesiæ Sancti  
Joannis Baptistæ, Societatis, & Hospitalis  
supradictorum, aliisque quibusvis, etiam jura-  
mento, confirmatione Apostolica, vel quavis fir-  
mitate alia roboratis statutis, & consuetudinibus,  
privilegiis quoque, indultis, & literis  
Apostolicis, in contrarium præmissorum quo-  
modolibet concessis, confirmatis, & innovatis.  
Quibus omnibus & singulis, illorum tenores  
præsentibus pro plene & sufficienter expressis, ac  
ad verbum insertis habentes, illis aliàs in suo  
robore permanentis, ad præmissorum effectum  
hac vice duntaxat specialiter & expresse derogamus,  
cæterisque contrariis quibuscumque.

§. 5. Volumus autem, ut earundem præ-  
sentium literarum transumptis seu exemplis,  
etiam impressis, manu alicujus Notarii publici  
subscriptis, & sigillo personæ in Dignitate ec-  
clesiastica constitutæ munitis, eadem prorsus  
fides ubique habeatur, quæ ipsis præsentibus  
haberetur, si forent exhibitæ vel ostensæ.

Datum Romæ apud Sanctam Mariam Major-  
em sub Annulo Piscatoris die 20. Martii 1734.  
Pontificatus Nostri Anno Quarto.

F. Card. Oliverius.

Indulgentia Plenaria pro Christifidelibus utrius-  
que sexus, aliquam ex Ecclesiis Fratrum Or-  
dinis Minorum Sancti Francisci Conventua-  
lium in Sancti Ludovici Francorum Regis, ac  
Sanctæ Elisabeth viduæ Regis Hungariæ natæ  
Festis diebus, visitantibus.

CXXXI.

CLEMENS PAPA XII.

Ad perpetuam rei memoriam.

Injunctæ Nobis divinitus Apostolicæ servitu-  
tis ratio postulat, ut cœlestium munerum  
Thesauros, dispensationi Nostræ a Domino credi-  
tos, fideliter erogemus, cum id ad augen-  
dam in terris Sanctorum in cœlis cum Christo  
regnantium venerationem, excitandamque &  
fovendam erga illos fidelium devotionem, &  
ad animarum salutem speramus in Domino  
profuturum.

Dat. die 20.  
Martii 1734.  
Pont. An. IV.

Proœmium.

§. 1. Supplicationibus itaque dilectorum filio-  
rum Vincentii de Comitibus Ministri, & Salva-  
toris Salandari Procuratoris, Generalium, Or-  
dinis Fratrum Minorum Sancti Francisci Con-  
ventualium nuncupatorum, nomine Nobis su-  
per hoc humiliter porrectis inclinati, omnibus  
& singulis utriusque sexus Christifidelibus vere  
pœnitentibus & confessis ac sacra Communio-  
ne refectis, qui aliquam ex Ecclesiis Fratrum  
dicti Ordinis, tam hæcenus erectis quam im-  
posterum quandocumque erigendis, & ubicum-  
que locorum existentibus, in Sancti Ludovici  
Francorum Regis, ac Sanctæ Elisabeth viduæ  
Regis Hungariæ natæ Festis diebus a primis  
Vesperis usque ad occasum Solis dierum hujus-  
modi, singulis annis devote visitaverint, & ibi  
pro Christianorum Principum concordia, hæ-  
resum extirpatione, ac Sanctæ Mariæ Ecclesiæ  
exaltatione pias ad Deum preces effuderint,  
quo die prædictorum id egerint, Plenariam;  
Monialibus verò supradicti Ordinis, ac aliis in  
earum quolibet Monasterio nunc & pro tempo-  
re degentibus, vere pariter pœnitentibus &  
confessis ac sacra Communione refectis, quæ  
suam respective Ecclesiam in supradictis Festis  
diebus visitaverint, & ut præfertur, oraverint,  
Plenariam similiter omnium peccatorum suorum  
Indulgentiam & remissionem misericorditer in  
Domino concedimus. Præsentibus perpetuis fu-  
turis temporibus valituris.

Concessio In-  
dulgentiæ.

§. 2. Volumus autem, ut earundem præ-  
sentium literarum transumptis seu exemplis,  
etiam impressis, manu alicujus Notarii publici  
subscriptis, & sigillo personæ in ecclesiastica  
Dignitate constitutæ munitis, eadem prorsus  
fides adhibeatur, quæ adhiberetur ipsis præsen-  
tibus, si forent exhibitæ vel ostensæ.

Fides Tran-  
sumptorum.

Datum Romæ apud Sanctam Mariam Major-  
em sub Annulo Piscatoris die 20. Martii 1734.  
Pontificatus Nostri Anno Quarto.

F. Card. Oliverius.

Confirmatio quarundam Rubricarum Statuti  
Collegii Causidicorum Civitatis Ferrarien.

CXXXII.

CLEMENS PAPA XII.

Ad futuram rei memoriam.

§. 1. Aliàs pro parte dilecti filii Antonini Pi-  
fani, Decani Collegii Procuratorum

Dat. die 29.  
Martii 1734.  
Pont. An. IV.

Peticio.

Causidico-

Causfidicorum Civitatis Nostræ Ferrariæ. Nobis supplicato, quatenus Rubricas primam, quartam, quintam, octavam, & nonam Statuti dictæ Civitatis, Collegium ejusmodi concernentes, quæ jam inde ab anno 1557. a bon. mem. Alphonso Estensi, dum vixit, Ferrariæ Duce, necnon successive anno 1559. a fel. record. Clemente PP. VIII. Prædecessore Nostro, sub certis modo & forma tunc expressis approbatæ dicebantur, auctoritate Apostolica specificè confirmare, aliaque plurima pro felici ipsius Collegii directione, majorique decore & honorificentia statuere, decernere, ac declarare dignaremur; quarum quidem Rubricarum tenor est, qui sequitur, videlicet:

Rubricæ.

*Rubrica Prima.*

Cum maxima pars Justitiæ, sine qua regna subsistere non possent, quinimo ea remota secundum Augustinum magna forent latrocinia, videatur esse in reddendo unicuique quod suum est, ac debitum sit; idque potissimum efficiatur apud jus reddentes in judiciis, in quibus propter hominum contentiones, meum & tuum in medio ponentium pro viros juris peritos, quos Procuratores appellamus, causæ, controversiæ, lites, ac jurgia deduci solent, dignum ac necessarium arbitramur in hac amplissima nostra Republica eligi eos debere, qui recte & cum omni integritate possint ac noverint prædicta dirigere & perficere; ne passim concedentes, & sine delecta omnibus prædicta exercentibus, multa incommoda ac damna nostri pariantur subditi & incurrant, prout magistra rerum experientia sæpius edocuit; Ideo statuimus & ordinamus per hunc modum videlicet:

In primis, quod fiat Collegium Procuratorum, in quo Collegio esse debeant, & intrare possint solum Viri docti & periti, videlicet apti ad procurandum in judiciis: qui etiam esse debeant Viri graves & morati, ac bonæ opinionis vita & famæ: examinandi, ut infra, approbandi & acceptandi per Judicem XII. Sapientum Civitatis Ferrariæ, Proconsules Notariorum Civitatis Ferrariæ, quorum unus sit de Cancellariis Sanctissimi Domini Nostri, & Priorem dicti Collegii Procuratorum, qui per tempora erunt; ac duos Procuratores per dictum Judicem eligendos, & cum juramentis, de quibus infra disponitur.

*Rubrica Quarta.*

Statuimus, quod nemo possit officium procuræ exercere pro alio in litibus & causis judicialibus in civitate Ferrariæ coram aliquo Judice, & Officiali ordinario & extraordinario, Delegato, Arbitro, Arbitratore, ac quocumque alio Judice quocumque nomine nuncupato, & quodcumque & qualecumque Tribunal causarum habeat, nisi per prius sit examinatus in iis, quæ pertinent ad exercitium & officium Procuratoris, & approbatus ac acceptatus per dictos Judicem XII. Sapientum, Proconsules, & Priorem dicti Collegii & Procuratores, quos elegerit Judex XII. Sapientum, & cum Juramento prædictorum: Quod eis videatur idoneus, & doctus, ac sufficiens; ac fiat approbatio per suffragia secreta, & non ad voces; & quisque possit libere & juste votum suum ponere; & aliter facta nullo modo valeat approbatio: Ac etiam sit descriptus in dicto Collegio per Notarium Collegii Notariorum civitatis Ferrariæ sub pœna librarum decem marcharum, applicandarum dicto Collegio Procuratorum pro dimidia, & pro alia dimidia Massariæ communis Ferrariæ; & nihilomi-

nus Acta sint ipso jure nulla, & teneatur ad interesse Parti scilicet principali, pro quo intercesserit; Volentes, quod, taliter examinatus & approbatus, in primo anno sequenti non possit procurare in causis excedentibus summam librarum 50. marcharum; finito autem anno, possit in quacumque causa & summa procurare. Possit tamen quilibet Notarius Collegiatus in Collegio Notariorum Civitatis Ferrariæ officium Procuræ exercere absque eo, quod sit Collegiatus in Collegio Procuratorum, in causis a decem libris infra; & ipsis Notariis sic procurantibus in dictis causis solvatur pro eorum mercede arbitrio Prioris dicti Collegii Procuratorum, dummodo non excedat summam taxatam in Statutis nostris, & non ultra accipere possint etiam a sponte dantibus, sub pœna dupli ejus, quod plus acceperint, applicanda parti, a qua sic plus debito acceperint, & sub pœna librarum quinque marcharum dicto Collegio Procuratorum applicanda pro dimidia, & pro alia dimidia Massariæ communis Ferrariæ.

*Rubrica Quinta.*

Ne fraus fiat legi, statuimus, quod nullus, qui non sit in Matricula Procuratorum, possit comparere pro alio coram aliquo Judice, vel iudicante Tribunalia judicialiter, etiam cum Principali suo, & dicere sub nomine ejus alia quæ verba spectantia ad ordinem judicii, & etiam dicere - *Ipse sic dicit* - in aliqua causa ordinaria ultra duas vices sub pœna quinque librarum marcharum, applicanda pro dimidia Massariæ communis Ferrariæ, & pro alia dimidia Collegio Procuratorum; & prædicta non vindicent sibi locum in conjunctis personis, quæ pro aliis conjunctis personis comparere possint.

*Rubrica Octava.*

Statuimus, quod nullus, exercens officium Tabellionatus ad acta civilia vel criminalia, possit, audeat vel præsumat procurare, & officium procuræ exercere quoquo modo in judiciis ad aliquod Tribunal, seu coram quocumque Arbitro vel Arbitratore generaliter vel specialiter, sub pœna librarum decem marcharum, Collegio Procuratorum applicanda, & nihilominus Acta ipso jure sint nulla, nisi a quantitate decem librarum marcharum infra, ut supra in quarto Statuto dispositum est.

*Rubrica Nona.*

Cum dignum sit, ut quisque sit contentus officio suo, statuimus, quod nullus, qui se exercent pro Advocato, & sit in Collegio Advocatorum Civitatis Ferrariæ, possit officium Procuratoris exercere sub pœna prædicta; sic etiam e contrario nullus Procurator audeat vel præsumat exercere spectantia ad officium aut exercitium Advocati; possit tamen consilium factum exponere tempore allegationum, sub pœna librarum decem marcharum, applicanda pro dimidia Massariæ Communis Ferrariæ, & alia dimidia Collegio Procuratorum vel Advocatorum, singula singulis referendo.

Nos audita super præmissis relatione dilecti filii nostri Alexandri Sanctæ Romanæ Ecclesiæ Presbyteri Cardinalis Aldobrandini nuncupati, in Civitate & Ducatu Nostri Ferrariæ. nostri & Sedis Apostolicæ de Latere Legati, ejusmodi preces Congregationi particulari nonnullorum dilectorum filiorum Romanæ Curie Prælatorum a Nobis specialiter deputatorum pro voto remisimus, qui visis juribus favore prædicti Collegii deductis, ac re accurate examinata,

votum suum defuper ediderunt in hunc modum, nimirum: Congregatio particularis a Sanctissimo Domino Nostro specialiter deputata in causa Ferrariensis confirmationis Statutorum ad instantiam Almi Collegii Procuratorum Causidicorum dictae Civitatis, exquisita pro Voto super infrascriptis novem Capitulis, nempe:

*Primo*: Supplicatur pro confirmatione in forma specifica Statutorum Ferrariae Rubrica 1. 4. 5. 8. & 9. lib. 11., ultra generalem aliorum Statutorum omnium, & Constitutionum localium, ad Collegium Causidicorum spectantium:

*Secundo*: Pro declaratione, quod nullus non descriptus in albo Procuratorum audeat vel praesumat publice aut occulte, directe vel indirecte in iudicio comparere, ibique acta & instantias quascumque iudicarias assumere & explere, & Procuratoris munus exercere coram quocumque Tribunali vel Iudice ordinario vel delegato, sub poena nullitatis Actorum, ipso iure & de facto incurrendae a quolibet etiam de Populo allegabilis; immo, quod pro allegata haberi possit ac debeat, ac aliis penis declarandis & infligendis etiam corporis afflictivis per Eminentissimum Legatum pro tempore.

*Tertio*, Pro declaratione favore Collegii, quod sit nobile eximium & honorabile, & pro aggregato Collegio Procuratorum Urbis, quantum ad prerogativam honoris.

*Quarto*, Supplicatur pro declaratione quod ultra qualitates & condiciones in litera Statuti expressas, admittendus ad Collegium iustis & honestis natalibus procreatus esse debeat, iustificandis vere & in effectu, & non praesumptive tantum, nec fidei scilicet per quamcumque legitimacionem; Et praeter haec, quod nullus possit admitti, nisi fuerit, & sit verus civis origine propria & paterna se Civitate Ferrariae; quod aliqua infamia notati, sive juris sive facti, vel indigna actione coinquinati, vel suspecti de praesenti vel de praeterito; seclusi remaneant, & omnino incapaces aggregationis; Sicuti excludantur ii, qui vel consanguineos vel affines in quocumque gradu habeant vel habuerint infamia taliter notatos; necnon & etiam, qui fuerint alicujus falsitatis, homicidii, vel alterius notabilis criminis rei vel processati.

*Quinto*, quinimmo laurea doctorali insigniti ac decorati in albo Civitatis Ferrariae Archigymnasio, vel alia Universitate famosa, prius esse debeant aggregandi quoad imposterum; Quodque in concursu admittendorum, filii Procuratorum, nepotes, & consanguinei, statutas, & hic volitas condiciones habentes, praerferri ceteris omnino debeant.

*Sexto*, Quotiescumque, qui admissus & acceptatus fuit in Procuratorem, pataverit & admiserit illa, quae secundum supradicta disposita sunt impediencia acceptationis, intelligenda sint etiam pro dirimentibus acceptationem ipsam; itaut ipso iure & facto deletus intelligatur ab albo, etiam sine instantia partis, & nulla expectata sententia.

*Septimo*, Quod facultas congregandi Collegium devoluta intelligatur Priori pro tempore, ubi requisitus ille, ad quem de stilo spectat convocare, recusaret, vel esset negligens in convocando; sicuti in ordine exercitii leniori, data Prioris recusatone vel negligentia, & sic successive & gradatim pro illa vice & casu tantum &c. habito tamen super praemissis verbocum Eminentissimo Legato.

*Octavo*, Supplicatur pro extensione Brevis cum clausula, *sublata*, firma remanente jurisdictione, quam per antea habebant Eminentissimus Legatus, & Prolegatus, casu Interregni, interpretandi & iudicandi Statutum in casibus dubiis, necnon ampliata eadem jurisdictione pro interpretatione Brevis in casibus similibus, quatenus &c.

*Et nono denique*, quod electus & acceptatus teneatur statim in manibus D. Iudicis Sapientum praestare juramentum sub praecisa forma sequenti:

Juro Ego N. N. per Sanctissimam Trinitatem & ad Sancta Dei Evangelia, me in iis, quae a sacris Canonibus, & sacrosancta Oecumenica Tridentina Synodo statuta & definita sunt, neque nunc in aliquo dissentire, neque ullo unquam tempore dissenturum: haereticis omnibus; & Sanctae Romanae Ecclesiae non communicantibus semper adversaturum: veram & germanam obedientiam Summo Romano Pontifici, ejusque & Apostolicae Sedis Legatis Prolegatisque perpetuo praestitum: lites, quas vere injustas fore existimaverim, nunquam suscipiturum & susceperum, quas tales cognoverim, patrocinium deserturum: leges omnes, statuta, constitutiones, & decreta de nobis aut officio nostro disponentia, & praerferim, quae ab Eminentissimo & Reverendissimo Domino Cardinale Legato condita fuerint, semper inviolabiliter observaturum.

Congregata in Palatio Apostolico Quirinali, & mansionibus R. P. D. Passari ejusdem Sanctissimi Auditoris die 30. Augusti 1733., visis iuribus, deductis favore praedicti Collegii a Francisco Pallearino in Ferrariensi Archigymnasio J. U. D., atque in eodem Causidicorum Collegio Professore, ejusdemque Collegii defensore, respondit, ut infra:

Quoad primum Capitulum, Statutum quoad quinque Rubricas esse confirmari in forma specifica.

Quoad secundum Capitulum, Rubric. 4. satis provifum per Statutum.

Quoad tertium, non esse admittendum.

Quoad quartum, restringendam esse exclusionem ad spurios, & alios ex damnato coitu progenitos, & hoc per viam novae dispositionis, sine alia additione verborum. Quoad requisitum Civilitatis non esse admittendam petitionem, & in reliquis restringendam esse petitionem ad illos, qui per Judicalem sententiam sint excommunicati, aut aliqua infamia notati, vel alicujus falsitatis, homicidii, aut alterius capitalis criminis rei.

Quoad quintum, restringendam esse petitionem ad laureatos in quacumque publica Universitate quoad admittendos imposterum.

Quoad sextum, non esse admittendam petitionem.

Quoad septimum, audiatur Iudex duodecim Sapientum.

Quoad octavum, esse admittendum.

Quoad nonum & ultimum, esse admittendum.

Ita est.

P. Aldrovandus Patriarcha Hierosolymitanus Sacrae Rotae Decanus, & unus ex Iudicibus deputatis in Congregatione, a Sanctissimo Domino Nostro deputata.

Carolus Albertus Archiepiscopus Philipensis, utriusque Signaturae Votans, & unus ex Iudicibus, ut supra, deputatis.

Marcellus Archiepiscopus Nenzianzenus Sanctissimi Domini Nostri Auditor, unus ex Iudicibus, ut supra, deputatis &c.

N. Corius Sacrae Rotae Auditor alter ex Iudicibus deputatis.

S. Cincius alter ex deputatis, ut supra.

Jo. Baptista Recemei Cam. Apostolicae Clericus, & unus ex Iudicibus deputatis.

S. 2. Cum autem, sicut idem Antonius Nobis nuper exponi fecit, ipse supradicto Collegio opportune in praemissis a Nobis provideri, & ut infra, indulgeri summo opere desideret; Nos ipsum Antonium specialibus favoribus & gratiis profequi volentes, & a quibusvis excommunicationis,

suspens-

Prædictæ  
Rubricæ  
confirman-  
tur.

Clausula.

suspensionis, & interdicti, aliisque Ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodatus existunt, ad effectum præsentium dumtaxat consequendum, harum serie absolventes & absolutum fore consentes, supplicationibus ejus nomine Nobis super hoc humiliter porrectis inclinatis, quinque Rubricas præinsertas Statuti Civitatis Ferrariensis, auctoritate Apostolica tenore præsentium confirmamus, illisque inviolabilis Apostolicæ firmitatis robur adjicimus, ac quoscumque juris & facti defectus, si qui desuper quomodolibet intervenerint, supplementis, in reliquis vero omnibus & singulis votum quoque præinsertum dictæ Congregationis particularis cum in eo contentis auctoritate & tenore præfatis approbamus, ratumque habemus, ac servari volumus & mandamus.

§. 3. Decernentes, easdem præsentibus literas semper firmas, validas & efficaces existere & fore, suosque plenarios & integros effectus sortiri & obtinere; ac illis, ad quos spectat & pro tempore quomodocumque spectabit, plenissime suffragari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, ac Sanctæ Romanæ Ecclesiæ prædictæ Cardinales, & alios quoslibet quacumque præminentia & potestate fungentes & sancturos, sublata eis & eorum cuilibet aliter judicandi & interpretandi facultate & auctoritate; salva tamen memorata jurisdictione pro tempore existentis in Civitate & Ducatu Ferrariensis, hujusmodi Sedis Apostolicæ de Latere Legati & Prolegati, judicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus præmissis, ac Constitutionibus & Ordinationibus Apostolicis, necnon Civitatis & Collegii præfatorum, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis;

§. 5. Quibus omnibus & singulis, illorum tenores præsentibus pro plene & sufficienter expressis, ac ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 29. Martii 1734. Pontificatus Nostri Anno Quarto.

F. Card. Oliverius.

CXXXIII.

Declaratur Breve Alexandri VII. circa Votum in Provinciis Ord. Fratrum Minorum Sancti Francisci de Observantia Commissarii Generalis Curie, ac Procuratoris Generalis eorumdem Fratrum Reformatorem Familie Cismontanæ.

CLEMENS PAPA XII.

Ad futuram rei memoriam.

§. 1. **E**Xponi Nobis nuper fecerunt dilecti filii Cajetanus a Laurino Commissarius Curie Fratrum Minorum de Observantia, ac Petrus Paulus a Cirignola Procurator Generalis eo-

rumdem Fratrum Reformatorem respective nuncupatorum pro familia Cismontana Ordinis Sancti Francisci, quod dudum fel. record. Alexander PP. VII. Prædecessor Noster per quasdam suas in simili forma Brevis die 4. Decembris 1662. expeditas literas omnibus & singulis Commissariis Curie, ac Procuratoribus Generalibus Fratrum Minorum tam de Observantia, quam Reformatorem familie Cismontanæ, ac Ordinis hujusmodi, qui sua respective officia triennii continui spatio gessissent, indulgit, ut depositis eisdem officiis suffragium, sive votum perpetuum consultivum & decisivum in quibusvis Capitulis, & Congregationibus suæ cujusque Provinciae dicti Ordinis habere & ferre possent.

§. 2. Cumque subinde tunc in humanis agentibus Antonio a Campobasso, Fratri expresse professo dicti Ordinis Minorum de Observantia, qui officio Procuratoris Generalis in Curia Romana functus fuerat, mota fuisset quæstio super fructu ejusmodi voti perpetui, & quod officium præfatum triennii completi spatio minime gessisset, habito pro parte ipsius Antonii recursu ad bon. mem. Alderandum Sanctæ Romanæ Ecclesiæ Cardinalem Cibo nuncupatum, dum viveret, prædicti Ordinis apud Sedem Apostolicam Protectorem, pro opportuna declaratione obtinenda, negotioque per ipsum Alderandum Cardinalem Protectorem quondam Petro Marino, tunc temporis Ministro Generali dicti Ordinis remisso, ut pro munere suo desuper provideret, idem Petrus Minister Generalis consultis prius aliquot ex gravioribus Fratribus de Observantia, ac Reformatis præfati Ordinis, ac ponderatis eorum allegationibus, die 19. Aprilis 1687. de illorum consilio ac voto decretum edidit, quo declaravit & definivit prædictum Antonium, & si per spatium continui triennii completi officium Procuratoris Generalis istiusmodi non obiisset, sed per continuum triennium inceptum dumtaxat exercuisset, nihilominus vere & ad sensum præfatarum literarum Alexandri Prædecessoris tempus in eis præscriptum explevisse, adeoque ei competere ac deberi votum perpetuum ad formam earumdem literarum, ac super ejusmodi controversia silentium imposuit, & aliàs, prout in decreto præfato, cujus perinde, ac dictarum Alexandri Prædecessoris literarum tenores, præsentibus pro plene & sufficienter expressis & insertis haberi volumus, uberius continetur.

§. 3. Cum autem, sicut eadem expositio sub-  
jungebat, nonnulli postmodum Commissarii, ac Procuratores Generales respective dicti Ordinis, qui triennium præfatum non absolverant, ignari decreti hujusmodi, aut ad majorem & abundantiore cautelam gratias identidem a Sede Apostolica impetrarint cum clausula, perinde ac si integrum triennium complevisset, seu munere istiusmodi per integrum triennium functi fuissent, ipsi Exponentes quacumque dubitationis & contentionis, quæ exinde aut aliàs quomodolibet super intelligentia & interpretatione dictarum Alexandri Prædecessoris literarum enasci possent, occasionem submoveri plurimum desiderant; Nobis propterea humiliter supplicari fecerunt, ut opportune in præmissis providere, & ut infra, indulgere de benignitate Apostolica dignaremur. Nos igitur dictos Exponentes specialibus favoribus & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodatus existunt, ad effectum præsentium dumtaxat consequendum harum serie absolventes, & absolutas fore consentes, hujusmodi supplicationibus incli-

Breve Alex-  
andri PP.

Quomodo  
observatum  
fuerit poste-  
rioribus tē-  
poribus.

Confirma-  
tur, & decla-  
ratur.